

醫學集成卷四目錄

病論六則

自敘二則

立方六則

解藥六則

醫案九條

任脈圖歌

督脈圖歌

足太陽圖

足太陰圖

足少陽圖

手陽明圖

足陽明圖

手太陽圖

手太陰圖

手厥陰圖

足少陰圖

足厥陰圖

手少陽三焦

程氏八法

論和法

論消法

論清法

論補法

手少陰圖

醫中百病

論汗法

論下法

論吐法

論溫法

醫學集成卷四

雙流清臣劉仕廉纂輯

同邑馥垣李培郁校正

胞弟萬里劉仕鵬校閱

門人望之張文儼校錄

門人子乾李仲元校刊

季男幼臣劉永鐘校字

病論

清臣曰。子生多疾。始入醫門。凡與人診脈看病。必先論病。然後立方。註明何證。應用何藥。如何治法。醫有証據。病家了然。以便更改藥方。卽另延醫士。亦知前法。更有把握。是業醫之道。務要

虛心領會。以活人爲念。切莫固執不通。自以爲是。誤人一命。終還一命。慎之。

恭論

吳又香老夫子貴恙。六脈浮大中空。面赤唇紅。虛陽外現。所吐之血。滿地成團。實因誤服寒涼所致。治法應宜溫中固腎。以鎮陰血。但刻下血離經絡。驟熱不宜。驟止不可。必須引血歸經。毫不妄行。後用理脾健胃。其患自愈。未知是否。敬呈

鄉翁明府大人 斧政

引血歸經方

酒白芍六炙甘草二川鬱金三花蕊石二降真香二側柏為引

此方係甲己化土之法用白芍為甲木以斂肝血甘草為己土以培脾胃川鬱金能開十二經絡花蕊石行血中之氣降真香行氣中之血引用側柏和血生血不止血而血自止是行血即所以止血服到血歸經絡再服理脾健胃之品此千古不易之法也。

理脾健胃方

蜜黃耆八焦於朮三炮姜灰一西砂仁二法半夏二破故紙三
製附片三益智仁二花蕊石二降真香二側柏葉引

此方用著朮以大固中州。用姜灰砂半。醒脾崇土。故紙收攝腎氣。附片溫暖下元。智仁納氣歸腎。仍用花蕊降香。兼行滯氣。服到咽乾唇燥。去花蕊重加熟地白芍。或天冬五味再服。大補元煎。或左右歸丸。大劑爲丸。告厥成功。益壽延年。

雙流劉清臣敬擬

予論

子和彭狀元貴疾。六脈洪大鼓指。口臭氣粗。裏熱太重。以致赤白下痢。日夜數十度。非大劑與之。難以捷效。法宜寬腸去滯。行臭逐瘀。慎服溫熱收澇之品。謹擬一方列後。

行滯逐瘀方

當歸^二 白芍^一 枳殼^三 厚樸^三 萊菔^二 廣香^二 引用苦薤子^五

個

此方重用當歸爲君。使大腸有傳導之機。護守脂膏。重用白芍爲臣。斂肝養血。使木不尅土。不戒禁口。用枳殼厚樸爲佐。推蕩胸膈。用萊菔廣香。寬腸去滯。薤子行臭逐瘀。如肛門似烙。加黃連裏急後重。加大黃^一。劑輕再劑。愈矣。

恭論

渭春中丞大人貴恙。肝脾二經。脈勢滯滯。外見目黃。溺赤。汗出染

衣。此陽疸證也。治法應宜燥濕利水。兼退胆熱。三劑可愈。敬呈

大人閣下斧政

燥濕退疸方

茅蒼朮

三

焦白朮

三

粉猪苓

二

白茯苓

二

川澤瀉

二

西茵陳

三

引

用三角風一把。酒炒入藥同煎。

此方用蒼朮白朮以燥濕。用茯苓猪苓澤瀉以利水。茯苓去氣

分之水。猪苓去血分之水。澤瀉去腎中凡水。茵陳退胆經餘熱。

三角風用酒炒為引。能驅五種黃疸。三劑可愈。俟黃色盡退。始

服補脾固腎之品。再以精氣神平補之方。善後則長生不老矣。

子論

張少君貴恙係陰寒凝滯。腮肋俱腫。唇白面青。經紋沈細。險危之候。似爲清涼所誤。迄今月餘。實屬陰氣凝結。治法非麻黃不能開其膜裏。非姜桂不能化其凝結。餘用理脾健胃之品。輔正脫邪。謹擬二方於左。

消腫破結方

焦白朮三 西砂仁二 上安桂一 炮乾姜一 麻黃一 藿香一

外敷腮腫方

硫黃二兩 敢麵一兩 麥麵一兩 用熱水調敷腫處。後三日信到。

云腫消病愈。再求培補方。可知用藥對症。奏效甚捷。

愚本庸醫妄論

貴疾

封翁吳老大人。係先天命門火衰。不能薰蒸。後天脾土。以致飲食減少。痿軟無力。舌黑如墨。真陽盡爲陰氣蒙蔽。治法應宜大固中州。宣暢胸膈。峻補腎陽。溫煖下元。納氣歸腎。驅陰救陽。則長生不老。壽溢期頤矣。敬擬一方。恭呈

廉翁方伯大人哂政 是幸

延壽方

蜜北著於潛朮四高麗參四白蔻仁一法半夏二鮮枸杞三

杭巴戟三製附片三嫩鹿茸三益智仁二煨姜紅棗引

此方用參著朮以大固中州白蔻半夏宣暢胸膈枸杞巴戟峻補腎陽附片益智鹿茸溫暖下元納氣歸腎服到口乾舌紅始加熟地一兩當歸八錢官燕六錢蒙桂三錢改湯爲丸隨意多服則精神強固

清臣弟謂

公庭周老夫子貴體未安。因是非場中。諸醫不至。弟屬親誼。勢所難辭。細察病情。實由受傷感冒。舌白面青。大燒不止。審其六脈。

浮沈俱緊。明係外受風寒。內聚瘀血。治法宜驅風散寒。追逐瘀血。未知當否。單呈

各台 斧政 是荷

散寒逐瘀方

羌活頭

二

西防風

二

竹柴胡

三

桂枝尖

二

當歸尾

二

赤芍藥

二

桃仁泥

二

鮮紅花

二

生薑甜酒引

此方前四味。驅風散寒。後四味。追逐瘀血。如不出汗。下血無多。

再加麻黃一錢。大黃二錢。

恭論

貫槎吳大老爺。貴體縱云微和。尙屬無碍。年近古稀。脉出虎口。毒
考之徵。况先後兩天俱足。陽臟陽脈。君曰怔忡。余曰非也。惕惕
然有所動者爲怔。築築然有所動者爲忡。有物所觸者爲驚。無
物所觸者爲悸。然怔忡驚悸。名雖不同。治法無異。不必服蠻煎。
正心丹。茯苓補心湯等方。施治。予從脈息有餘。調理怔忡驚悸。
自除。日夜均安。百病俱失。再能怡養性天。則福壽長延矣。

脈息有餘方

生熟地各八 明天冬四寸 麥冬四 全當歸三 赤芍藥二 杭菊花二
白雲苓二 熟大黃一 元明粉一 竹心車前引

此方全用滋水養肝。消風解熱。平金潤燥。推蕩鬱熱。以大便行。一二次後。早服天王補心丹。夜服歸脾湯。其患立愈。隨作。

怡養曲

授彭山縣吳貫槎。清廉吏也。籍隸湘南。秋闈見蹕。由諸生從戎。克復數城。選舉武陽。雖年踰花甲。運籌尤勤。公退之暇。抱恙怔忡。延予就治。予略諳岐黃。稍知玄妙。診得六脈健旺。兩天俱足。服藥百劑。不如靜鎮一時。古詩云。靜者心多妙。又萬物靜觀皆自得。按之實養心術也。因不揣固陋。作怡養一曲。爲獻。

少年人到暮年老。暮年更比少年好。常學含飴且弄孫。閒看奇花。

閒聽鳥。君性喜清廉。我性喜參考。同性復同心。爲君脫詩稿。養性情。除煩惱。快樂多。勞苦少。字何必張顛。詩何必賈島。酒何必劉伶。藥何必思邈。勿求曼倩桃。勿覓安期棗。是非隨處忘。得失隨時了。形神莫過勞。飲食莫過飽。臥不待更寒。起必待天曉。桑者閒。勞人草。涵養深。精神保。輔養刀圭切莫遲。調和水火還須早。怡養性。天到百年。此心莫使懂懂擾。

醫案

清臣曰。余生所治奇情怪疾。難以數記。總在靈機應變。活法救人。認定陰陽。守定經絡。分明虛實。辨清表裏。細察情形。講究脈

息再四思維論病立方。斯無遺誤。迄今年邁。奏效雖多。不復記憶。謹書數案。以開來學。

曾治雪橋牛大人脚疾。臥床月餘。痛處難堪。不能步履。延予調治。撲榻見禮。診其六脈。搭手洪大無倫。重按至骨。乃見察其面舌青黯色白。問其痛處。不在筋骨。盡在肉中空處。毫無定所。予知其爲陽痿症也。究其前方。皆三氣飲。獨活寄生之類。余以十全大補去芎朮。加附片。巴戟。枸杞。鹿茸。益智。大劑與之一劑而安。再劑則行動如常。復以此方爲丸。多服。精神強固。今七十有六。尚能主講錦江書院。